

GVILIELMI BLANCI

I V N I O R I S

EPISCOPI GRASSENSIS,

ET VENCIENSIS

V I R G O .

Hoc est,

DE VIRGINE ANTIOCHENA

A B. AMBROSIO DESCRIPTA

Pertinet ad Bibliothecam S. Francisci Transyberim de Urb.

L I B E R .

AD ILLVSTRISS. ET REVERENDISS. D.

FRANCISCVM DE IOEVSA

S. R. E. CARDINALEM.



ROMAE, Ex Typographia Dominici Basse. M. D. XCV.

SVPERIORVM PERMISSV.

ET VANGIENSIS

TOIUS REGNI DUCATUS
Sive de Castellis et de civitatibus
A. D. 1511

1511. 1512. 1513.



G. E P I S C O P V S
G R A S S E N S I S,
E T V E N C I E N S I S

ILLVSTRISS. ET EXCELLENTISS.


D O M I N O

ERRICO DVCI DE IOEVSA

Ord. S. Io. Hierosolymitani Equiti,

& in Occitana Prouincia

Proregi.



INCIDERAT nuper Cardinalis frater tuus in eum Ambrosij locum, quo vir eloquentissimus Antiochenam Virginem breui describit oratione. Placebat non Virginis modò, sed orationis etiam elegantia, neque tam personæ constantiam, & fortitudinem, quàm sermonis vim, & efficaciam mirabatur.

Sed euenit ei tandem, quod fastidiosis con-
uiujs, qui plerumque inter lautissimas, &
exquisitissimas epulas panem appetunt
cibarium; quod Hebræis olim, qui fastidi-
to suauissimo manna Aegypti cucume-
res, pepones, porros, cepe, & allia deside-
rabant. Non contentus itaque Ambro-
siano, eoque verè ambrosio cibo cœpit me-
cum agere, cum vt poëmate meo facerem
(scilicet) conditiorem: quodq. iure suo
exigere poterat (vide hominis modestiã)
id à me precibus contendebat. Christiana-
nam Virginem, eandemq. Martyrem ce-
lebrari versibus, Ecclesiæ Dei & utile ad
exemplum, & gloriosum ad immortalita-
tem memoriæ iudicabat. Neque absurdè
fieri addebat, vt argumentum soluta ora-
tione ab Episcopo, & ab Episcopo Ambro-
sio feliciter tractatum, ab Episcopo Blan-
co vinctâ retractaretur. Ego verò satis
alioqui vel in otio occupatus, neque igna-
rus quantum esset periculi post Roscium
in scenam prodire, hoc est, post Ambro-
sium

sum Virginem repræsentare, ei libenter obtemperavi, cuius quot preces, tot sunt mihi iussa, & iussa occupationibus, ac periculis omnibus præferenda. Neque tamen id ago, vt Ambrosiũ assequi posse me sperem, quem magno interuallo sequi dumtaxat, & per eius vestigia repere in summa repono felicitate. Quem enim in ceteris omnibus, præcipuè verò in vitæ sanctimonia, & Episcopalis muneris administratione longè superiorem agnosco, quidni etiam in scribendo me ille habeat inferiorem? Cessit tandem Turnus Aeneæ, cùm de virgine Lauinia inter se ambo disceptarent; & illa Aeneæ fuit, non Turni. Mihi certè gloriosum erit, vt Turno, ab illo Christiano Aenea superatum fuisse; & per me Virgo dicatur Ambrosij, non Bianci. Alienam autem Virginem, sed nouis à me vestibus, ijsq. non iam militaribus, sed Ecclesiasticis exornatam ad te mittere constitui, vt veteris mei in te, tuamq. gentem amoris, & obseruantix hoc etiam extaret

extaret monumentum . Vale Dux fortis-
sime, & domesticæ virtutis memor, quan-
tùm antea in cœnobio precibus, vigilijs, la-
crymis Ecclesiam iuuilti, tantùm postea in
hominum lucē (ita volente summo Pon-
tifice) armis, excubijs, auctoritate iuua.
Romæ x. Cal. sextileis cīo. 10. xcv.



A V C T O R

CHRISTIANO LECTORI.

QVAM hoc nostro poëmate post Ambrosium describimus virginem, Christiane Lector, primùm aliam esse existimamus ab illa Theodora, quæ habitum militarem mentita è lupanari ope Didymi militis euasit: qui in eo remanens pro illa ad supplicium damnatus est. Quæ historia diffusè narratur à Simeone Metaphraste, & extat apud Lippoman. tomo 7. & Surium tom. 2. in Aprili, etsi vnam, & eandem fuisse virginem censeant nonnulli auctore Baronio in Martyrolog. 28. April. Ego verò vt Theodoram, & Ambrosianam virgines in multis conuenire non nego, ita certè in pluribus affirmo discrepare. Illa enim Alexandrina, hæc Antiochena fuisse perhibetur: illius primùm fides tentata, deinde pudor: huius primùm pudor, deinde fides: illa à præside Eustrathio ad lupanar damnata, hæc à populo: illa virgo dumtaxat solo milite securi percussa: hæc etiam martyr vnà cum milite liberatore percussa. Atque in hanc posteriorem sententiam iuit postea idem Baron. tom. 2. Annal. Ecclesiastic. Quam vel ex

eo veram esse conuincio , quòd virgines illas diuersa tulerint tempora ; floruit enim Alexandrina Diocletiano , & Maximiano Imperatoribus, vt auctor est Metaphrastes : Antiochena verò temporibus B. Ambrosij, hoc est, Theodosio I I. Imperatore , vel paulò antea . Scribit enim vir sanctissimus § Antiochiæ nuper virgo quædam fuit § ita vt totum seculum inter Alexandrinam , & Antiochenam virgines, sicut inter Diocletianum, & Theodosium Imperatores intercesserit . Deinde diuersam esse censemus ab Antonina , quæ cùm ad prostibulum damnata fuisset , iuuenis Alexander prætextu libidinis , & petulantia , vt refert Nicephor. Eccles. histor. lib. 7. cap. 13. meretricularum curatorem lenonem conueniens, noctem puellæ eius quinque numis aureis mercatus , & ad eam ingressus tunicam quidem ipse suam ei iniecit, eamque , vt agnosci non posset , probè contactam exire iussit : ipse autem vestibus illius amictus , & deprehensus capitis pœnam dedit . Nam vt sunt quædam Antoninæ similitudines cum Antiochena , ita non vna inter ambas reperitur dissimilitudo apud Surium tomo 3. in Maio , ex Metaphraste . Postremò non eandem esse arbitramur cum ea virgine, quam Palladius ex Hippolyro Apostolorum familiari in Lausiaca historia cap. 148. opera adolescentis Magistriani , sumpta illius veste militari , è prostibulo liberatam scribit : fuit enim ambarum diuersa patria : illius Antiochia, huius Corinthus : diuersi iudices : illius vniuersus populus , huius vnus magistratus : diuersa iudicij forma : illa nullis præcedentibus tormentis morte mulctata, hæc non tormentata , sed mortem euasit solo milite bestiis obiecto . Neque verò miretur aliquis tres has virgines Antiochenam ,

nam, Antoninam, & Corinthiacam sibi in pluribus respondere. Christianas enim virgines ad prostibulum damnare consueverant olim Gentiles. Audi Tertullianum in Apologetic. cap. 45. Nam proximè (inquit) ad lenonem damnando Christianam potius quàm ad leonem, confessi estis labem pudicitiae apud nos atrocior omnino poena, & omni morte reputari. Idque exemplis Agnetis, Theophilæ, Euphrasie, Lucie, & aliarum palam declaratur. Quas omnes peculiari quodam beneficio, seu potius virtute, & prodigio auctor virginitatis Christus intactas liberabat, ut sanctus Basilus tradit his verbis { Cum ferueret, inquit, persecutionis immanitas, electæ virgines propter sponsi fidem, ad illudendum impijs hominibus traditæ, corporibus inuiolata perdurarunt, eo scilicet, cuius gratia id perfeiebant, impiorum conatus in earum carne irritos arguente, & integra earum corpora non sine prodigio, & virtute custodiente. } Et cum plures Christiani, & Christianis aliqui milites essent, verisimile mihi fit plenos Spiritu sancto, ac miserabili Christianarum virginum casu commotos omnem eos technam adhibuisse, ut sponfas Christi, easdemque sorores suas ab imminente stupro liberarent, atque virtutum omnium pretiosissimam virginitatem quouis periculo ab impuro lenone redimerent. Quid verò mirum commutatis vestibus id eos effecisse, cum ipsæ etiam ethnicæ mulieres, ut refert Valer. Max. viros suos vestium commutatione à carcere liberarint? Atque id sæpius eadem arte perfectum fuisse ideo credibile est, quòd aliorum facta, quæ felicem exitum sortita fuerint, complures imitentur. Vale, pie Lector, & precibus tuis effice, ut anonymam

Lib. de vera virginit.


virginem , quam versibus expressi , moribus etiam , &
animi constantia exprimere concedat mihi ille, qui &
virgini faciendi , & mihi scribendi concessit faculta-
tem .



GVILIELMI BLANCI
I V N I O R I S
EPISCOPI GRASSENSIS,
ET VENCIENSIS,

Virginis Liber.

AD FRANCISCVM
Cardinalem de Ioeusa.

OEUSA, à veteri cui sanguis origine
ductus
Effulget virtute noua : cui moribus
aequum

*Ingenium est : qui diuitias, artemq. fruendi,
Arca illas, hanc mente tenes : cui corpore pulchro
Pulchrior est animus : cui mira inuenta senilis,
Atque eadem fructus commiscens floribus atas,
Dum vacat à tanto magnarum pondere rerum,
Da faciles iussis paulisper cantibus aures :
Et tibi si casti mores, si vita pudica,
Casti etiam placeant versus : ac suspice mecum
Virginis*

Virginis egregia magnum, & memorabile factum.

*Est in complexu Syria notissima fama
Vrbs opibus, populisq. potens, de nomine dicta
Antiochi, quæ claram habuit, foritq. puellam
Tempore quo toti Ambrosius notissimus Orbi
Calesti Ambrosia Insubres pascebat, & acer
Sanguineos templorum arcebat limine reges.*

*Insigni forma, & præstanti corpore virgo
Florebat: bina astris suis referebat ocellis,
Fronte niuem, collo marmor, corallia labris,
Lac digitis, malisq. rosas, ac crinibus aurum.
Ore decor toto, totaq. modestia fronte
Spirabat: grauis incessus, mellita loquela,
Aspectus mitis: sed corpore pulchrior ipso.
Mens erat, externum pietas innata decorem
Vincebat: nullaq. illi penetrabilis arte
Virginitas, summiq. Dei reuerentia summa.*

*At species externa viros magis una trahebat:
Visam omnes iuuenes suspirauere puellam,
Sed visam nulli iuuenes tetigere puellam.
Igni carpuntur caco, per lata vagantur
Compita dementes: toto stat pallor in ore,
Perpetui*

*Perpetui in lingua questus, in pectore cura,
Inq. oculis lacryma: neque nox tranquilla quietem,
Lætitiam neque læta dies fert ulla: requirunt
Nocte diem, noctemq. die; modò languida ponunt
Membra toro, modò corripuiunt: neque sedibus unquã
Mutatis mutatur amor, sed permanet idem.
Non secus ac tenero spatiosi in gramine campi
Cum iuuenem incautum dipsas calcata momordit,
Vritur infelix, & proni fluminis haustu
Crescit anghela sitis: nunc huc, nunc currit & illuc,
Nec dat quasitam sedes mutata quietem.*

*At casta, & prudens constanti mente sequaces
Virgo procos refugit, nullis ut credula flecti
Blanditijs, nulla arte capi, nullisq. moueri
Cantibus, & nullo corrumpi munere possit.
Quinetiam aspectum, atque hominũ commercia vitat:
Et patriã conclusa domo vel pollice fusum
Versat, vel lanas ducit, vel sedula telas
Artifici depingit acu, quas destinat aris:
Atque pio cantu minuit plerumq. laborem.
Sed veluti coniecti ignes crudeliũ urunt,
Sic species inclusa domi plus subijcit ignes
Pectoribus*

*Pectoribus iuuenum: urebat qua visa puella
Antè procos, pòst in cineres non visa reducit.*

- » *Occulta inspicimus, sequimurq. fugacia semper.*
 » *Forma audita magis cupitur, quàm visa: magisq.*
 » *Auribus in mentem, quàm lumine luminis orbis*
 » *Serpit amor: regnatq. duplex in mente cupido:*

*Namque & amoris inest, & visus feruidus ardor.
 Adde, quòd & maior species ea creditur esse,
 Non quam presentem iudex explorat ocellus,
 Sed procul absentem quam mens cupidissima querit.
 Quin & mente aliquis, geminaq. cupidine captus,
 Non potis abstrusa iactare ad Virginis aures,
 Talia nequicquam surdas iactabat ad auras.*

*Bella puella veni: quid me auersaris amantem?
 Quid fugis, aspectuq. meo te subtrahis? cheu!
 Languéo, & hac avidus praeordia pascitur ignis.
 Exere formosos vultus, reclude fenestras:
 Visa mihi mortem auertes, inuisaq. mortem
 Accerses. Qua relligio contemnere amantes
 Te docuit? quamam pietas hos dedere letho?
 Scilicet id Superis gratum est? tam saeva benignis
 Relligio placet, & pietas nimis impia Diuis?*

Esse

Esse pudica cupis? sed te tua forma pudicam
 Esse vetat, votoq. tuus decor ille repugnat
 Virgineo. Quòd si retinet te fama pudoris,
 Castaq. furtiuo non delectaris amore,
 Legitimo thalamos iungamus fœdere, gratum est
 Coniugium Superis, & sunt sine crimine tædæ.
 Ne me sperne virum, ne dedignare maritum.
 Quere priùs quis sim. Veteri sum sanguine cretus:
 Clara fuit mihi mater, eques mihi originis auctor:
 Prædia sunt centum, meq. oppida quattuor unum
 Agnoscunt dominum: perq. urbis compita nostra
 Me deni semper famuli comitantur euntem.
 Sex alo quadrupedes nullis virtute secundos,
 Septenos Sparta catulos, totidemq. Molossos.
 Et mihi turgescunt iuuenili sanguine vena,
 Flauescunt tenera prima lanugine male:
 Frons est lata mihi, nec me formosior ullus:
 Me mane in speculo, me serò in flumine vidi.
 Si studia inquiris, non est præstantior alter
 Flectere equos, agitare feras, decernere ferro,
 Currere, luctari, numerosos edere salus,
 Seu pulsare chelyn, seu carmina iungere nervis:

*Crudelis quid' nam connubia nostra repellis ?
 Quid' ve lates ? saltem hoc misero da munus amanti,
 Mi nitido affulge vultu, permitte videri.
 Non iam coniugium, non lecti fœdera posco,
 Nec sanctæ careas ut virginittatis honore.
 Aspectus oro solos, spatiumq. furori,
 Ut quando iniussam non visa Virgine vitam
 In tenebris, luctuq. traho, nunc denique visa
 Emoriar letus : tantos mors una furores
 Comprimere, & tantas potis est restinguere flammæ.
 Talia solus amans studio iactabat inani.*

*Heu iuuenum amentes mentes ! excordia amantum.
 Corda hominum ! Quid non iuuenilia pectora cogit
 Cecus amor ? quæ non sceleratas fundere voces ?*

*Ast ubi sollicitos Virgo rescivit amores,
 Haud ignara doli externi, propriiq. pericli
 In magè securas arces, magè fortia valla
 Se recipit : iamq. angustum, angustumq. Sororum
 Cœnobium ingreditur : seq. ipsa, suumq. pudorem
 Offert ritè Deo, & votis obstringitur ultro,
 Ut cupidis hac arte procis spes prorsus inanes
 Eripiat, longèq. suos ableget amantes.*

Haud

*Haud aliter princeps à milite diues anaro
 Cum petitur, lata diffidens mœnibus urbis
 In validas arces, castellaq. tuta recurrit,
 Militibusq. avidis angusta turre receptus
 Et tollit pradam, & prada spem diuitis omnem.*

*At quò non hominum præceps audacia fertur?
 Ipsum etiam in vallum, sanctamq. irrumpit in arcem
 Cœnobij: non insidijs, non fraudibus ullis
 Iam petitur Virgo, sed vi tentatur aperta.
 Cessat amor, cessantq. preces, manifesta surgit
 Proditio, atque ipsa pudor impugnatur in arce.
 Fit via vi, franguntq. fores, & claustra reuellunt
 Incensi furijs iuuenes, rabieq. tumentes.*

*Quis tibi tunc, Virgo, sensus, quas ore querelas,
 Quas oculis lacrymas, gemitus quos corde ciebas,
 Cum medio in templo, coram lucentibus aris
 (Proh scelus!) obscœnos iuuenes, hostesq. pudici
 Aspiceres voti, & simulacrum amplexa Mariæ
 Virginis à sanctis auelli amplexibus, atque
 Ad turpes iam iamq. trahi miseranda doleres,
 Pallida vicino casu, stuproq. futuro?*

Nectentare fugam, celeriq. euadere cursu

*Virgo potest, nec vim imbellis propellere tantam.
 Heu! quid agat? certam suadet contemnere mortem
 Religio, atque illam pudor expectare propinquam.*

*Venit acerba dies certaminis: undique ciues
 Visendi studio accurrunt, pueri, atque puella,
 Cum senibus iuuenes, patres cum matribus, atque
 Visuri complent numeroso compita cætu.
 Sistitur in medio duplex aggressa puella
 Certamen, vera Fidei, sanctiq. pudoris.
 Namque ubi constantem, & firmam videre proterui
 Illam hostes, rubroq. genas fulgore notatam,
 Aversantem hominum aspectus, cadique paratam,
 Illicò virginei pratenso nomine voti
 Cæperunt tentare Fidem, cultumq. superni
 Numinis, crepta ut prada maiore minorem
 Eriperent pradam: & iam religione subacta
 Virginitas facili pugna deuicta iaceret.*

- » Scilicet infirma est, & se vix ipsa tueri
 » Virginitas potis est, præset nisi vera petitem
 » Religio auxilium, & comitem se iungat eidem.

*Hostibus alterutrum Virgo præstare iubetur,
 Aut ficti Iouis ad statuam procumbere supplex,*

Aut

Aut spurcum proſtans meretrix intrare lupanar.

*Hæu! Iouis egregius cultus, memorandaq. ſeculis
Neglecti vindicta Dei! pro crimine crimen
Exigitur, ſcleriq. ſcelus ſuccedit, ut vnda
Vnda, Dei falſi ſcelus eſt ſi temnere numen.*

*Qualis vita horum eſt, quorum ſententia talis?
„ Iudicium vite indicium eſt, moresq. nefandos
„ Arguit, & turpi maculatam crimine vitam.*

*At trepida, & metuens tentato Virgo pudori,
Non Fidei, nunc hũc animum, nunc diuidit illuc,
Ac tales tacito verſat ſub pectore voces.*

*Quid' nã agimus? vel martyr ero, vel virgo: negatur.
Altera palma meis palmis, atque altera laurus
Crinibus, imò etiam ne nomine virginis illa
Dignanda eſt, ſancta qua virginitatis IESVM
Auctorem negat, ut falſis ſolennia Diuis
Dona ferat, detq. extra focis. Tu' ne integra virgo,
Si Venerem venerata Deam? Tu' ne integra virgo,
Si turpes amplexa viros? Tu' ne integra virgo,
Si te tangit amor, ſi quaris amoris amorem?
Quippe animum preſtat potiùs retinere pudicum,
Quàm corpus. Res ſi conceditur viraque, magna eſt:
At ſi*

*At si non datur, alterutra si fortè carendum est;
Corpore commaculer, dum sim modò mente pudica:
Casta Deo, non casta viris: & dicar in eum
Virgo polo, non virgo solo. Nec temporis unum
Antiqui exemplum, quo nos tueamur, habemus.
Prostitit antè Rahab certo mercabilis ere
Collapsis nondum Iericho sub mœnibus urbis,
Sed postquam Isacidum verum pia credidit esse
Numen, ab exitio euasit, pietasq. salutem
Attulit, amissoq. Fides pralata pudori.
Adde, quòd obfessa Iuditha in finibus urbis
Natiuum adscito ornatu mentita colorem,
Inq. aurum nodata comas, nudata papillas,
Ac picturato vestem circumdata limbo,
Et digitos gemmis, auresq. onerata lapillis
Pensilibus, blandasq. diu modulata loquelas
Languentem externi ducis irritauit amorem,
Eius & exussit subiectis pectora flammis.
Sed quia religio tantum, non improbus illam
Mouit amor, meretrix hùc vsque à nemine dicta est.
Exemplo mihi fortè pari fors prospera cedit.
Nec secus ac sola tunc religione retenta*

Illæsum

*Illasum pia seruauit Iuditha pudorem,
Et patriam incolumem, mihi virginitatis honores
Seruabit seruata Fides. Si mota fuisset
Laude pudicitia, non religionis amore,
Ipsa suum patria amissa Iuditha pudorem
Unâ amisisset. Sed cur antiqua reuoluo?
Quid've exempla moror? Christi satis una, superq.
Est mihi vox. Quicumque (inquit) me propter obibit,
Inueniet per me vitam, lucemq. reuifet.*

*Hæc secum meditans Virgo stillantibus ora
Impleuit lacrymis, medioq. in gutture vocem
Continuit, ne vel pubes vicina loquentem
Audiret: nec acerba illi iactura pudoris
Electa est, Fidei sed deuotata prioris.
An verò potuit corpus temerare pudicum,
Quæ neque sustinuit vocem maculare pudicam?
At mihi vox dudum trepidat, ne turpibus actis
Ordine dicendis sese inquinet ipsa, veretur.*

*Tu mea iampridem terrarum Musa per Orbem
Didita, quæ verbo nunquam polluta procaci,
Materia sed plena pia, sed plena pudoris
Virgineas numeris demulces dulcibus aures,*
Ah!

*Ab! pedibus trepidis obscænum intrato lupanar,
Insuetisq. locis insueta expromito facta.
Imò age, & in medijs puram te sordibus ipsa
Seruato, innatumq. ubiuis retineto pudorem:
Eq. lupanari cantata Virginis instar
Casta exi, quæ casta subis infame lupanar:
Solis ut impuram ingreditur lux pura cloacam,
Et pura egreditur, nec turpi splendida cæno
Sordescit. Vos ô, sanctissima turba, puella,
Attonitas nostris occludite cantibus aures.
Ducitur ad spurcum Virgo purissima limen.
Imò pias nostris recludite cantibus aures.
Integra prostitui, sed non temerarier usquam
Virgo potest. Ubicumque Dei est castissima virgo,
Ipsa Dei templum est: magnus nec pectore casto
Excutitur Deus; inq. locis infamibus esse
Virginitas famosa potest: quin omne locorum
Dedecus illa abolet. Iam tota ex urbe ruentes
Incensi rabie, stimulisq. libidinis acti
Concurrunt iuuenes, turpiq. in fornice capta
Præda inhiant omnes. Vos Virginis acta, puella,
Discite mira, loci tantum dediscite nomen.*

Bella,

*Bella, sed imbellis gemit intus clausa columba,
Accipitres strepitant extrà discordibus acti
Motibus, inq. vicem certant, quis primus optimam
Inuolet in prædam, rostrum quis primus in illam
Figat, & optato satiet se corpore primus.
Virgo sed impuro faciens è fornice templum
Flexit utrumque genu, et supplex oculosque, manusq.
Sustulit in calum, caliq. precata potentem.*

*Christe, ait, augusta quondam de virgine nasci
Dignate, intactam nunc me dignare tueri.
Ipse tuum auxilium Daniel cùm virgo vocaret,
Ieiuni per te rabies compressa leonis:
Quiq. feras domuisti, hominum fera corda domare
Nunc potes, & tantos populi comescere motus.
Qui piceas flammās hebetasti in finibus olim
Chaldeis, per quem accensus rorauit & ignis,
Tu modò conceptas iuuenili pectore flammās
Excute, & effusis nunc opprime roribus ignes.
Isacidis fluctus ingenti mole coacta
Subsidere olim propria non sponte marini,
Sed virtute tua: quantis nunc opprimar undis
Christe vides, qui cuncta vides: hūc diuide fluctus,*
D Atque

Atque illuc, discretum incedam ut sicca per aquor.

*Urbe Semiramia falsi rea criminis uxor
Poplite submisso cum te peritura vocaret,
Iniustam euasit manifesto numine poenam,
Et vitam, & famam, & castum tutata pudorem
Rettulit insignes inimico ab amante triumphos.
Nunc vel vita mihi, uita vel carior ipsa
Virginitas petitur: iactura proxima tante
Ad te confugio, & genibus tua numina flexis
Inuoco, tu similes humili concede triumphos.*

*Rex Ieroboamus sacri donaria templi,
Atque aras ausus dextra violare profana,
Illam arefcentem iusto te vindice uidit.
Nos tua templa sumus, tua nos altaria uiua:
Tu Deus in nobis habitas, nostroq. benignus
Vteris hospitio: Deus, o Deus ecce profana
Turba tuum inuadit templum, donaria tractat
Sacrilegis dextris, & iamiam polluit aras.
Ne tantum patiare nefas, sed corpore nostro
Sacrilegas arceto manus, stuprumq. nefandum.
Illa tuis quondam toties patefacta ministris
Nunc mihi se uirtus aduerso tempore prodat.*
Quaq.

*Quaq. modò ad fœdum veni rapienda lupanar,
Virgo abeam, tibi lausq. nouis noua surgat ab actis.*

*Sic Christum orabat Virgo, sed plura precari
Conantem impediunt lacryma toto ore voluta,
Eq. repentino formido exorta fragore.*

*Namque ferox foribus confractis irruit intrò,
Et totum horrifico complet clamore lupanar
Terribili aspectu miles, cui ferrea cassis
Comprimit hirsutos cristato vertice crines,
Lorica are rigens, consertaq. pluribus hamis
Circundat fortes humeros, dextraq. coruscat
Vagina ereptus mucro, clypeusq. sinistra.*

*Obstupuit primùm Virgo, subitoq. pauore
Diriguit. Quid'ni truculento milite viso
Dirigeret sola, imbellis, simplexq. puella,
Si prius huic populus cesserit tremebundus, & antè
Diriguit sancto pubes inimica pudori?
Ad se Virgo redit, vultusque, animosq. priores
Paulatim recipit, secumq. ita pectore versat.*

*En quid ego aspicio? quis se mihi belliger offert?
Forstàn & nobis veniendi incognita causa.
Visurus pœnam Helciadis, non illius ergò*

Venerat insignis puerili atate Prophetes.

Quam tamen iniuste populus damnauerat omnis,

Solus hic infontem absolvens à morte reduxit.

Et nunc forsàn ouis latitat sub pelle lupina.

Quis scit an aduerso custos de milite fiat?

Et suus est Christo miles, sua & agmina Christo.

Forstàn irrupit stricto sicarius ense.

Quid trepidas anima, & vano terrore repleris?

Martyr ero, virgoq. simul. Victòria duplex

Nascetur, geminaq. incingam tempora lauro.

Sic mea se pietas, casto pralata pudori

Qua fuerat, castum seruabit & ipsa pudorem.

Hæc agitât secum Virgo præfaga futuri,

Quam miles blandis compellat vocibus ultrò.

Pone metum dilecta soror, non cominus ad te

Accedo, ut vitam eripiam, floremq. pudoris,

Sed contrà ut vitam tuear, floremq. pudoris;

Tu modò me serues, à me serueris ut ipsa.

Quiq. domum infamem tanquam stuprator iniui,

Egrediar martyr, si fert ita corde voluntas.

Tu mihi martyrij insignem ne præripe palmam.

Mutemus tantùm vestes, ea sola pudoris

Seruan-

*Seruandi ratio: hæc vestis tibi conuenit aptè,
Ista mihi: pulchrè sed conuenit utraque Christo.
Me tua belligerum verè, mea teq. pudicam
Efficiet vestis: sic tu velaberis aptè,
Aptius ipse tamen ponam te sospite amictus
Virginis, ut martyr deluso agnoscar ab hoste.
Sume habitum, qui te velet, celetq. puellam:
Trade habitum, quo martyr ego de milite fiam.
Induere hanc chlamydem, quæ virginis occulat artus,
Atque pudicitiam ignaro tutetur ab hoste.
Accipe terribilem galeam, cristisq. minacem,
Quæ tegat auratos crines, abscondat & ora;
Nam quibus obscænum contingit intre lupanar,
Egressis pudor est, faciesq. rubore notatur.
Extuleris postquam gressum, ne colla reflecte,
Sed memori uxorem Loti tu mente repone,
Quæ castos quamuis oculos reflexit ad urbem
Obscænam, salis in statuam conuersa remansit:
Neu metuas, Christo sua ne sint integra dona.
Pro te ego deuoti spumantes sanguinis hauritus
Aeterno libabo Deo, tuq. ipsa vouebis
Armigeram pro me. Tu miles: militat omnis
Virgi-*

*Virginitas, & habent castra sua castra puella:
 Aeterna in calo emeritis stipendia dantur.
 Est tibi iustitia semper lorica sagittis
 Inuia, lethiferos validum munimen ad ictus.
 Est Fidei scutum, quo spicula iacta repellas.
 Estq. salutaris galea: hic tutela salutis
 Semper adest, ubi Christus adest: nam coniugis unum
 Vir caput est, Christus caput est sed virginis unum.
 Hos inter monitus, hac inter lenia verba
 Ex humeris chlamydem miles deponit, & offert
 Virgini; at oblatam primum pia Virgo recusat.
 Est miles suspectus ei, suspectus amictus:
 Quicquid id est, timet ignotum, vestesq. ferentem.
 Virum stuprator fictus, sicarius utrum
 Offerat, in dubio est, variantq. labantia corda.
 Pratendit chlamydem miles, pratendit at illa
 Cervicem, ut Christi potius sanctissima martyr
 Incipiat fieri, virgo quam desinat esse.
 Quae pugna facies? & quae spectacula rerum?
 Quae pompa amborum est? quae gratia honestat utrumque,
 Cum de martyrio certamen fornice in ipso
 Instituit solus sola cum virgine miles?*

*En quos dissimiles natura creauerat olim,
Dextra Dei similes reddit, coniungit & arctè.
Hebraei sic prisca canunt oracula vatis
Affore, coniuncti simul ut pascantur & agnus,
Et lupus: euentis presagia vera probantur:
Agnæ, lupusq. simul iam nunc sociantur, & unâ
Non modò pascuntur, verùm mactantur & unâ.*

*Ergo deposito paulatim Virgo timore
Non curis diducta animum, non ampliùs anceps,
Sed fidens animi proprios deponit amictus,
Sumit & oblatos: nunc casside contegit ora,
Atque comas: nunc & loricâ pectora munit,
Candida nunc ocreis inuoluit crura decoris,
Et clamyde assumpta nunc velat cetera membra.
Sed neque diuersos tantùm mentitur amictus
Militis ignoti, ast eius mentitur & arma.
Ense axmat stricto dextram, clypeoq. sinistram
Insertat: sic erumpit pro milite Virgo,
Fornice ab obscæno: quin audens militis ipsa
Gressibus incedit: res hæc spectantibus infert
Terrorem: cedunt omnes, qui turpia tecta
Vallarant: medios clabitur illa per hostes.*

Haud

*Haudsecus ac visæ iuuenum manus ardet amore
 Que præda, & vasta saltus indagine cinxit,
 Toruus aper caco si fortè erumpat ab antro,
 Totatremitt, ceditq. loco: turbam horridus ille
 Per mediam euadit, nec venatoribus ipsis
 Præda datur. Vos ô serî miranda nepotes
 Accipite, atque animum nostris aduertite dictis.
 Virgo lupanari egreditur, quod secula nulla
 Viderunt, neque fortassis ventura videbunt.
 Euolat è cauea clathris illæsa columba,
 Non alis tamen ipsa suis: perniciosior illam
 Penna vehit, sanctiq. aspirat flaminis aura.
 Nec verò ad caueam reuolat, cupit esse columba
 Dissimilis, quæ quondam à patre emissa Noëmo
 Ingenti ex arca ingentem reuolauit ad arcam.
 Quantum arca foris, tantum ales ab alite distat.
 Accipitres foris expectant, creduntq. ferocem
 Exisse armigerum, non euasisse columbam.
 Dumq. lupi circum densis ululatus agnam
 Ad prædam appeterent, reliquis audacior vnus,
 Atque mora magis impatiens sese intulit intrò.
 Et iam belligerum attrectat pro Virgine, cum se
 Illicò*

*Illicò delusum sensit, tantaq. repentis
Percussus nouitate rei, defixus in uno
Constitit obtutu, veluti pauet inscia virgo,
Quæ violam digito credens decerpere in hortis,
Pro viola latitantem anguem, pro flore venenum
Colligit, & falsa se clamat imagine lusam.
Is demum admirans has rupit pectore voces.*

*Hocce quid est? quidnam in nostros incurrit ocellos?
Aspectus an falsa meos deludit imago?
Ingressa est intrò virgo, vir cernitur intus.
Unde vir aduenit? vel quonam virgo recessit?
Quæ noua Peligno dicta Iphigenia Poëta?
Supposita cerua seruata est virgo Mycenis,
Et nunc supposito seruatur milite virgo?
In noua tot quondam mutatas corpora formas
Quis neget à Diuis, si nunc ex milite virgo?
Atque etiam audieram quem Virgo colebat IESVM,
(Nunc colit at miles) Galilææ in finibus olim
Vertisse allatas in vina rubentia lymphas.
At non credideram ignarus, sed credere fas est
Mutasse hunc latices, sexus cùm mutet & ipsos.
Quid moror hìc demens, pedibus nec quero salutem,
E Dum*

*Dum sum, qui fueram? sed iam mutatus & ipse
 An'ne fui, qui cerno aliud, quàm credere possim?
 Mutatus certè locus est: paulò antè lupanar
 Ingressus fueram, sed nunc vadimonia cerno.
 Mutatoq. loco egrediar mutatus & ipse:
 Intraui hùc lascivus, at hinc exibo pudicus.
 Hæc cùm turbatus sudisset verba, recessit.*

*Fornicis obsesti qui clausa ad limina dudum
 Expectans populus vario sermone fremebat,
 Vulgata nouitate rei sese agmine denso
 Intrò agit, armigerum ut videat de virgine factum.
 Haud secus ac pasta feri sub vesperis ortum
 Qua patulo ad caulas redeunt è rure capella,
 Agmine conferto irrumpunt in ouilia, seq.
 Inuoluunt omnes simul, impediuntq. vicissim.*

*Ingressus populus se cauta à Virgine postquam
 Delusum nouit, primos acuisse furores
 Fertur, & ulirici pœna mulctasse relictum.
 Sic ergo egreditur non solum è fornice virgo,
 Verùm etiam martyr: nam qui pro virgine prensus,
 Confestim hunc etiam populus pro virgine damnat.
 Ecce trahebatur palmas post terga reuinctus,
 Atque*

*Atque puellari miles velatus amictu
Ad loca supplicij: populus sine lege ruebat
Visendi studio: pars ad sublimia tecta
Scandere, pars plateas, pars & complere fenestras.*

*Virginis elapsa res ut peruenit ad aures,
Non tulit hanc speciem praestans virtute virago,
Et sese medios moritura iniecit in hostes,
Protinus exclamans: coram, quam quaritis, adsum
Virgo lupanaris clausis erepta cauernis,
Sed non martyrio, non morti erepta beata.
Porrigo quod vobis, in me conuertite ferrum.
Abjicio clypeum hunc, ictus ne fortè retundam.
Si petitis caput, en galeam depono rigentem:
Sin humeros, humeris loricam detraho ahenam.
At restet mihi sola chlamys, qua membra tegantur,
Pro chlamyde aut miles proprios mihi reddat amictus,
Lasciui ne fortè meo satientur ocelli
Corpore, at extincta maneat mihi fama pudoris.*

*Tuq. pudicitiae custos fidiſſime noſtra,
Velaris qui veste mea, tete eripe letho:
Meq. vnā permittē mori, prius vna petebat.
Ne vitam serua, satis est seruasse pudorem.*

Nolo equidem duplici nexu tibi vineta teneri.

Quid loquor imprudens? iactura facillima vite,

Et nobis plerumq. mori, quàm vivere prestat.

Auspicijs laurum antè tuis sum naeta pudoris,

Martyrij inuideas dextro ne tempore palmam.

Miles at obniti contrà, atque has reddere voces.

Imò virgo abeas, maneamq. ego martyr, & una

Sis contenta precor, mihi restet ut altera laurus.

Si tibi virgineos seruaui fidus honores,

Quæ tandem nos martyrio concludere vitam

Inuidia est? & nos aliam fas querere laurum.

Solus ego ad mortem rapior, sententia & unum

Implicat: hac ubi me tenuit, tete illico soluit.

Sic ille: at Christi nondum contenta puella

Contrà ait: ipsa vadem elegi non mortis, at unum

Optaui pradem te virginittatis amata.

Si mihi virginitas petitur, manet vsque (fatebor)

Nexus: sin autem sanguis deposcitur à me,

Non egeo vadibus, cùm sim satis una, superque,

Nec mihi iam desit soluendi oblata facultas.

Quæ pro me lata est, in me sententia lata est.

Certè ego si pradem argenti te fortè dedissem,

Meq.

*Meq. absente tuum pacto pro scœnore durus
Creditor à iusto retulisset iudice censum ,
In me ageres exinde ,tuos nam solvere nexus
Censibus ipsa meis iuris ratione tenerer .
Ni facerem ,quis non dignam me morte putaret?
At verò capitis quantò est ingentior huius
Usura ? & quàm grande tibi nunc debeo scœnus
Defenso ambita pro virginitatis honore ?
Faxo , insons moriar , moriar ne noxia : nil hic
Est medium ; quin alterutrum prestare necesse est :
Namque tui vel nunc fiam rea sanguinis ipsa ,
Vel martyr fiam ipsa meo . Nec pernego , fugi :
Sed citò si redy , arcendam quis indicet esse ?
Sin mora facta mihi , absolui quo iudice possum ?
Imò Casarea plùs fio obnoxia legi ,
Quippe fuga rea facta , aliena cadis & auctor .
Quaq. priùs stupro non suffecere nefando ,
Sufficiunt mea membra neci : atque in virgine pura
Vulneribus locus est , non probris . Ipsa ego per te
Dedecus euasi , verùm tibi cedere nunquam
Martyrium volui . Vestis mutata (fatemur)
Ipsa fuit , sed non mutata professio nobis .*

Quòd


*Quòd si martyrìum præsens mihi praripis, à te
Circumuenta fui, non autem Virgo redempta.
Cede precor: tu mecum Ultrà contendere noli.
Nec mihi iam factis, aut verbis ipse resiste,
Ne' ve mihi extorque munus, quod spon te dedisti.
Dum mihi posterior sententia tollitur à te,
Redditur ecce prior: mutantur prima secundis
Iudicia: & teneat ni posteriore, tenebit
Me saltem prior ascriptam sententia. Sed quid
Ambo moram trahimus, frustra et contēdimus ambo?
Iudicio satis ambo sumus, pœnamq. subire
Mortis vterque potest, si me patiare priorem
Occidi. Vna potest pœna exercerier in te,
At prater pœnam pudor est obnoxius in me.
Et tibi maioris parietur gloria palma,
Ipsa tuo auxilio si fiat adultera martyr,
Quàm per te contrà si martyr adultera fiat.
Sic concertabat dudum cum milite Virgo.*

*Locusa extremum certaminis accipe finem.
Pugnarunt ambo, vicerunt ambo: duobus
Quasita ut palma est, sic palma inuenta duobus.
Nec diuisa fuit, verùm coniuncta corona*

Marty-

*Martyrij: officijs certauit uterque vicissim:
Altera principium pœnæ, fuit exitus alter:
Et mixto amborum spumauit sanguine tellus.*

*O Iocusa mei carcerque, & meta laboris,
Primo dicte mihi versu, dicende supremo,
Quem puerum ipse puer, iuuenis iuuenemq. sequebar,
Virq. virum iam nunc comitor plius omnibus unum
(Atque senex utinam pedibus senis oscula figam,
Et venerer Petri sublimi in sede locatum)
A te cœpta in te veluti mea desinet atas,
Sic incœpta tuo finitur nomine Virgo.
Imò nec alterutri finis, nam carmine nostro
Aeternum nomen, Virgoq. aterna manebit.*



F I N I S.

73

EX SANCTO AMBROSIO

LIB. II. DE VIRGINIBVS

AD MARCELLINAM

S O R O R E M.

ANTIOCHIAE nuper virgo quædam
fuit fugitans publici visus. Sed quò ma-
gis virorum euitabat aspectum, eò am-
plius incendebat. Pulchritudo enim
audita, nec visa plùs desideratur, duo-

bus stimulis cupiditatum, amoris, & cognitionis: dum
& nihil occurrit, quod minùs placeat, & plùs putatur
esse, quod placeat; quod non iudex oculus explorat,
sed animus amator exoptat. Itaque sancta virgo, ne
diutiùs alerentur potiendæ spe cupiditatis, integrita-
tem pudoris professa, sic restinxit improborum faces,
vt non iam amaretur, sed proderetur. Ecce persecu-
tio. puella fugere nescia, certè pauida ne incideret in
insidiatores pudoris, animum ad virtutem parauit: tam
religiosa, vt mortem non timeret: tam pudica, vt ex-
pectaret. Venit coronæ dies. Maxima omnium ex-
pectatio. Producitur puella, duplex professa certamen:
& castitatis; & religionis. Sed vbi viderunt constan-
tiam professionis, metum pudoris, paratam ad cru-
ciatus, erubescensem ad aspectus; excogitare cœpe-
runt, quemadmodum specie castitatis religionem tol-
lerent: vt cùm id abstulissent, quod erat amplius, etiam

id eriperent, quod reliquerant. Aut sacrificare Virginem, aut lupanari prostitui iubent. Quomodo Deos suos colunt, qui sic vindicant? aut quemadmodum ipsi viuunt, qui ita iudicant? Hic puella non quod de religione ambigeret, sed de pudore trepidaret, ipsa secum: Quid agimus? Hodie aut martyr, aut virgo. Altera nobis inuidetur corona. sed nec virginis nomen agnoscitur, ubi virginitatis auctor negatur. Nam quemadmodum virgo, si meretricem colas? quemadmodum virgo, si adulteros diligas? quemadmodum virgo, si amorem petas? Tolerabilius est enim mentem virginem, quam carnem habere. Vtrumque bonum, si liceat: si non liceat, saltem non homini castæ, sed Deo simus. Et Rahab meretrix fuit: sed postquam Deo credidit, salutem inuenit. Et Iudith se, ut adultero placeret, ornauit: quæ tamen quia hoc religione, non amore faciebat, nemo eam adulteram iudicauit. Bene successit exemplum. Nam si illa quæ se commisit religioni, & pudorem seruauit, & patriam: fortassis & nos seruando religionem, seruabimus etiam castitatem. Quod si Iudith pudicitiam religioni præferre voluisset, perdita patria etiam pudicitiam perdidisset. Itaque talibus informata exemplis, simul animo tenens verba Domini, quibus ait: Quicumque perdiderit animam suam propter me, inueniet eam; fleuit, & tacuit, ne eam vel loquentem adulter audiret: nec pudoris elegit iniuriam, sed Christi recusauit. Existimate vtrum adulterare potuerit corpus, quæ nec vocem adulterauit? Iamdudum verecundatur oratio mea, & quasi audire gestorum seriem crimino-

Ios. 2. & 6.

Iudith. 9.

Matth. 10.

minosam, atque explanare formidat. Claudite aurem
 virgines Dei; ducitur puella Dei ad lupanar: sed ape-
 rite aurem virgines; Christi virgo prostitui potest, adul-
 terari non potest. Vbicumque Dei virgo est, Dei tem-
 plum est: nec lupanaria infamant castitatem, sed ca-
 stitas etiam loci abolet infamiam. Ingens petulan-
 tium concursus ad fornicem. Discite martyrum mi-
 racula, sanctæ virgines, dediscite locorum vocabula.
 Clauditur intus columba, strepunt accipitres foris,
 certant singuli, quis prædam primus inuadat. At illa
 manibus ad cælum leuatis, quasi ad domum venisset
 orationis, non ad libidinis diuerforium, Christe, in-
 quit, qui domuisti virgini feros leones, potes etiam
 domare hominum feras mentes. Chaldæis rorauit
 ignis, Iudæis se vnda suspendit, misericordia tua, non
 natura sua: Susanna ad supplicium genu fixit, & de
 adulteris triumphauit: Aruit dextera, quæ templi tui
 dona violabat: nunc templum ipsum attrectatur tuum,
 ne patiaris incestum sacrilegij, qui non passus es fur-
 tum. Benedicatur & nunc nomen tuum: vt quæ ad
 adulterium veni, virgo discedam. Vix compleuerat
 precem, & ecce vir militis specie terribilis irrupit.
 Quemadmodum eum virgo vt vidit, tremuit, cui po-
 pulus tremens cecidit? Sed non illa immemor lectio-
 nis: Et Daniel, inquit, supplicium Susannæ spectatu-
 rus aduenerat: & quam populus damnauit, vnus ab-
 soluit. Potest & in hoc lupi habitu ouis latere. Ha-
 bet & Christus milites suos, qui etiam legiones habet.
 Aut fortasse percussor intrauit. Ne vereare anima,
 talis solet martyres facere. O virgo, fides tua te sal-

Dan. 14.

Dan. 3.

Exod. 14.

Dan. 13.

3. Reg. 13.

Dan. 13.

Matth. 7.

Matth. 26.

uam fecit. Cui miles: Ne quæso paucas, soror: frater hûc veni saluare animam, non perdere. Serua me, vt ipsa serueris. Quasi adulter ingressus, si vis martyr egrediar. Vestimenta mutemus, conueniunt mihi tua, & mea tibi, sed vtraque Christo. Tua vestis me verum militem faciet, mea te virginem. Bene tu vestieris, ego meliùs exuar, vt me persecutor agnoscat. Sume habitum, qui abscondat feminam: trade qui consecret martyrem. Induere chlamydem, quæ occultet membra virginis, seruet pudorem. Sume pileum, quod tegat crines, abscondat ora. Solent erubescere, qui lupanar intrauerint. Sanè cum egressa

- Genes. 19.* fueris, ne respicias retrò, memor vxoris Lot, quæ naturam suam, quia impudicos licet castis oculis respexit, amisit. Nec vereare ne quid pereat sacrificio. Ego pro te hostiam Deo reddo, tu pro me militem Christo: habes bonam militiam castitatis, quæ stipendijs militat sempiternis: loricam iustitiæ, quæ spiritali munimine corpus includat: scutum fidei, quo vulnus repellas: galeam salutis. Ibi enim est præsidium nostræ salutis, vbi Christus. Quoniam mulieris caput vir, virginis Christus. Et inter hæc verba chlamydem exiit. Suspectus tamen adhuc habitus & persecutoris, & adulteri. Virgo ceruicem, chlamydem miles offerre. Quæ pompa illa, quæ gratia, cum in lupanari de martyrio certarent? Addantur personæ, miles, & virgo: hoc est, dissimiles inter se natura, sed Dei miseratione conformes, vt compleatur oraculum: tunc lupi, & agni simul pascuntur. Ecce agna, & lupus non solùm pascuntur simul, sed etiam immolan-

tur.

tur. Quid plura? Mutato habitu euolat puella de laqueo, iam non suis alis, vt pote quæ spiritalibus ferebatur: & (quod nulla vnquam viderunt secula) egreditur de lupanari virgo, sed Christi. At illi qui videbant oculis, & non videbant corde, ceu raptores ad agnam, lupi fremere ad prædam. Vnus, qui erat immodestior, introiuit. Sed vbi hausit oculis reitextum: Quid hoc, inquit, est? Puella ingressa est, vir videtur. Ecce non fabulosum illud, cerua pro virgine, sed quod verum est, miles ex virgine. At etiam audieram, & non credideram, quòd aquam Christus in vina conuertit: iam mutare cœpit & sexus. Recedamus hinc, dum adhuc qui fuimus, sumus. Numquid & ipse mutatus sum, qui aliud cerno, quàm credo? Ad lupanar veni, cerno vadimonium: & tamen mutatus egrediar, pudicus exibo, qui adulter intraui. Indicio rei, quia debebatur tanto corona victori, damnatus est pro virgine, qui pro virgine comprehensus est. Ita de lupanari non solum virgo, sed etiam martyres exierunt. fertur puella ad locum supplicij cucurrisse, certasse ambos de nece, cum ille diceret: Ego sum iussus occidi, te absoluit sententia, quando me tenuit. At illa clamare non ego te mortis vadem elegi, sed prædem pudoris optaui. Si pudor quæritur, manet nexus: si sanguis exposcitur, fidei ussorem non desidero, habeo vnde dissoluam. In me lata est ista sententia, quæ pro me lata est. Certè si pecuniæ te fidei ussorem dedissem, & absente me iudex tuum censum fœneratori adiudicasset, eadem me sententia conuenires, meo patrimonio soluerem tuos

Esai. 6.

*Ouid. lib. 12.
Metamorph.*

Ioann. 2.

tuos

tuos nexus. Si recularem, quis me indignam morte censeret? Quantò maior est capitis huius vsura? Moriar innocens, ne moriar nocens. Nihil hîc medium est: hodie aut rea ero tui sanguinis, aut martyr mei. Si citò redij; quis me audet excludere? Si moram feci, quis audet absoluere? Plùs legibus debeo: rea non solùm fugæ meæ, sed etiam cædis alienæ. Sufficiunt membra morti, quæ non sufficebant iniuriæ. Est in virgine vulnere locus, qui non erat contumeliæ. Ego opprobrium declinaui, non martyrium tibi cessi. Vestem, non professionem mutavi. Quòd si mihi præripis mortem, non redemisti me, sed circumuenisti. Caue quæso ne contendas, caue ne contradicere audeas. Noli eripere beneficium, quod dedisti. Dum mihi hanc sententiam negas, illam restituis superiorem. Sententia enim sententia superiore mutatur. Si posterior me non tenet, tenet superior. Possumus vterque satisfacere sententiæ, si me priùs patiaris occidi. In te non habent aliam, quam exerceant pœnam, in virgine obnoxius pudor est. Itaque gloriosior eris, si videaris de adultera martyrem fecisse, quàm de martyre adulteram reddidisse. Quid expectatis? Duo contenderunt, & ambo vicerunt: nec diuisa est corona, sed addita. Ita sancti martyres inuicem sibi beneficia conferentes, altera principium martyrio dedit, alter effectum.

FINIS.

